

# FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

Si vendin là vie da l'Edicole e là dal Tabachina in Marziavieri, in piasse Contarene e in Borg di S. Bartolomeo

REDAZION: su la fontane di piazze Contarene — AMINISTRAZION: su la fergada de Vigne  
Par altri Florean al si lassarà ciata, quand che còvent, in Stamparie Jacob e Colmegne.

Tiradure 5,000 coplis.

## Florean a Redentor

Nol è sol Florean che si ocupe dal nestri bon Plevan di Redentor: e son ance i cussi dets sfueis serios.

Cui no vares di crodi che chell benedett predi nol sei dutt amor pal prossim, dute caritat cristiane: lui che al è benemerit fondator di ches istituzions fatis apueste par insegnà al popul lis plui bielis virtus da la religion?

In passat us hai fatt viodi che il nestri Plevan al dopre dutt il zelo pal trionfo des buinis massimis e par che la zoven-tut, massime lis frutatis, e vevin di cresci cul timor di Dio. Ma no son rosis senze spinis, e ance il Plevan al ha lis sos debolezzis come dugg i umin di chest mond.

Par esempi lui nol ul savent di miserie, e se han di fa i funerali che pain e se no che vadin a fa tiare di bocai come cians. Al è dutt efiett de caritat cristiane, come ance che di acetà l'ereditat di un altri plevan savind che chest al lasse nevos puars e plens di bisugns, mentri un altri predi, veramentri galantomp, che al veve ance lui une quote in te ereditat, al ha crodut ben di rinunzià.

Ma il Plevan di Redentor al è superior a chestis nainis, al tire drett pe so strade e al lasse che sberlin tant che uelin. A lui i baste di ve lis Ancelis e

lis Maris cristianis e cun lor al va in paradis biell ciald.

E vares savut de pantumine sucedude che altre di. Chell puar Avost, muart cussi zovin, al fò compagnat in glesie dai siei compagns e dai predis. Chesg e finissin di barbotà ches quatri preeris e dugg si preparin par là in Cimiteri. Spiete un poc e spiete un altri poc, in tun slavin dal diaul, ma nissun vignive indenant. Cemut ise cheste pantumine?

La pantumine e jè che se no pajavin subit e a tarife pal traspuart al Cimiteri, nè il Plevan, nè nissun altri e vignivin a compagna il puar muart. Alore i compagns e ciaparin fur des mans dal muini la cros e vie besoi, fasinsi un biell concett de caritat cristiane di chel bon Plevan.

Chestes storie, genuine, mitude donge a qualchidune altre, o sai che ha fatt sens fra miezz i parochians; ma no stait migo no a crodi che par chest il Plevan al vevi di scomponisi! Si po, i ul altri! Il Plevan al si impie di dugg e massime dai sfureis, robe scomunicade, danade, e i scritors dai quai e laran dugg a finile tal infiar par dute l'eternitat. Par lui l'articul di fede lu ha tal sfuei *Il Citadin* di tor i gorgs, e quanche chest lu puarte in palme di man al è content come une pasche ance se la popolazion e mormore, e qualchi volte, e sighe. Al si console di dutt cul pensà a lis Ancelis e a lis Maris cristianis. *E che la vada!*

Joibe che ven;

I Misteris di Udin

## Chell che Florean al sint senza ole

Dialogo fra Tite Lung e Zuan Frusin

— Oid, mestri Tite, o hai paure che tu mi mi menis pal boro.

— Parca mo distu cussi, ciar il mio Zanuto?

— O hai sintut ciartis ciampanis a proposit dal afar dal pelegrinagio a Rome...

— Po ce ciampanis?

— Sior Zaneto butegar, che al lei i sfueis, e che al sa di pulitiche tant che, se no plu, dal Capoborg...

— Tu ses ca tu cui to butegar...

— Lassimi fioi. Sior Zaneto butegar al mi ha domandat se o voi anco jo a Rome pal pelegrinagio, savind che jo o soi stat simpri e o soi un taliapon di prime fuarzo. E jo o hai rispindut che se Dio mi lasse la salut, e che no mi succedin disgrazis, o hai voe anco jo di la a fa una s-ciampade fin te citat dal Pape.

— Benon, o hai gust di savè che tu mi faras compagne. Tu vedaras che vin di ridi e di divertisi.

— Apiano, apiano, mestri Tite, no sta s-cialdati tant, parca che cumò al ven il bon, al disave chell che... tu sas. Sior Zaneto al mi disè alore: Ciar Zuan, e ses un poc indaur vo. Noi è dutt aur chell che al lùs. Bisugne che notais che il famos pelegrinagio al ris-cie di la a mont. Po parca, o disei jo. Parca che si son scuviartis tantis nâinis! Sott la scuse dal patriotismo, de onoranz di fai al nestri bon defout Re Vittorio, che Dio i dei lis gloris dal paradisi, sott la scuse di une cuintri dimostrazion dai patriòs ai clericali, saveo ce che al jere? Nujaltri che la speculazion? Cialait vo ce qualitat di int, ce qualitat di scandal! Aprofità di une robe cussi sante par uadagnà bez espalis dai mamos. Po ce revino di fa, o domandai jo, dutt sberluft e instupidit a sinti chestis stori. E sior Zaneto mi spiegà l'arcano. Al mi disè che si tratave di obleà dugg i pelegrius a comprà une medae, che si varess obleadis lis Provinzis a ciolli la bandiere di un sol fornitor e a chell prezit che al varess fatt lui, in mud insumis che chesg patriòs di gnuv genar, sul afar dal pelegrinagio, e si saressin rāngias ben e no mal, ridind sott i bafs, e ciolind pal cui i puar macacos. La hastu capide cumò?

— Veramentri o hai leit anco jò sul *Secul* une robe compagne, come che te ha contade sior Zaneto butegar, ma o stenti a credile. E po vere o no vere, si trate di la a Rome par pos bez e jo no voi a cirt giatis di petenà. Jo sigur no hai il boton di fami giavà di nissun, e ti garantis che no mal giavin.

— Ben, ben, e vin timp di pensai. Sior Zaneto, min d'ha contade un'altre che jè veramentri brutote.

— Po issi l'om desp disgrazi, chel benedet butegar?

— Ce pause hal lui se lis disgrazis e succedin!

— Dunce dimi di ce che si trate. O capie che cumò tu ses diventat un dotor di lezz e jo o puess lù a imparà l'abici.

— Si trate dal Cassir de banche popolar farlanè che al ha mocat il cian.

— Jee, ce nuviat! E ha tante di barbe. E po cumò e jè mode che i cassirs e vavin di s-ciampa.

— Par al altri lu han mitat in còtego.

— Si ma tu vedaras che la sujarà cun poc. Se un puar diaul al robe une gialine o un pagnut al ciupe tre agns di preson che nance il pari eterno i hai ciol. Ma quanche si trate di piezz gruess, no jè cussi.

— Ben, ben lassin là, dopo dut e son robis che displasin e a noaltris no nus ven nuje in sachete dal mal dai altris.

— A mi mi displas par che puare famee che reste tradide senza nissune coipe, mentri e varà crodut di jessi in t' une bote di fiar.

— Lassin, lassin lis malincunis e auin a fa un zir.

— Malafenò jo, che no voi a zirà. Se tu us invece anin a bevi un quottid di ribelè.

— Anin pur, ma ch'est an mi par che se si ul bevile buine e jè masse ciare. E anco il vin gnuv neri nostran al è ciar. Si scugne bevi di chell di magazen che dopo dutt nol è ciativ.

— Po si si, noaltris artig no podin migo no spindi i franca come i stors. Bisugne che si conteatin di bevi di chell di cinquante e quanche e jè sagre e rivin flu a chell di sessante.

— E ringrazia il Signor di cussi.

## Florean in te androne Cicogne

Il puest no mi ha permitut prime di cumò di fevelà di ce che al è nassut in te androne Cicogne zà diis. O soi passat par là e an dai sintudis di buinis e di bielis, di cuetia e di crudis. Si tratave di une Maghe (no di che di borg di di Viole) de Maghe de androne Cicogne. Al è ver che in cheste androne and è plu di une Maghe, ma immaginai une femine sute sute cun t' une muse propit fate apueste par rappresentà ben la part.

La Maghe e jè ze'ose di so marit, e cialait dulà che cheste femine e jè lade a concentrà dugg i siei furors! Sun t' une puare diaulate, une vedue plene di fruss, che ciart no ha marbin e no sa dulà petà il cial par vivulà e che no ha pal ciarviel lis fotis de Maghe che cui siei risirs se la passe benon.

La Maghe dunce e tormentave simpri cheste puare femine, disingi improprie ogni volte che la viodeve pe strade. Dai uè, dai doman, fin

## Chell che Florean al sint senza ole

Dialogo fra Tite Lung e Zuan Frusin

— Oid, mestri Tite, o hai paure che tu mi mi menis pal boro.

— Parca mo distu cussi, ciar il mio Zanuto?

— O hai sintut ciartis ciampanis a proposit dal afar dal pelegrinagio a Rome...

— Po ce ciampanis?

— Sior Zaneto butegar, che al lei i sfueis, e che al sa di pulitiche tant che, se no plu, dal Capoborg...

— Tu ses ca tu cui to butegar...

— Lassimi fioi. Sior Zaneto butegar al mi ha domandat se o voi anco jo a Rome pal pelegrinagio, savind che jo o soi stat simpri e o soi un taliapon di prime fuarzo. E jo o hai rispindut che se Dio mi lasse la salut, e che no mi succedin disgrazis, o hai voe anco jo di la a fa una s-ciampade fin te citat dal Pape.

— Benon, o hai gust di savè che tu mi faras compagne. Tu vedaras che vin di ridi e di divertisi.

— Apiano, apiano, mestri Tite, no sta s-cialdati tant, parca che cumò al ven il bon, al disave chell che... tu sas. Sior Zaneto al mi disè alore: Ciar Zuan, e ses un poc indaur vo. Noi è dutt aur chell che al lùs. Bisugne che notais che il famos pelegrinagio al ris-cie di la a mont. Po parca, o disei jo. Parca che si son scuviartis tantis nâinis! Sott la scuse dal patriotismo, de onoranzè di fai al nestri bon defout Re Vittorio, che Dio i dei lis gloris dal paradisi, sott la scuse di une cuintri dimostrazioni dai patriòs ai clericali, saveo ce che al jere? Nujaltri che la speculazion? Cialait vo ce qualitat di int, ce qualitat di scandal! Aprofità di une robe cussi sante par uadagnà bez espalis dai mamos. Po ce revino di fa, o domandai jo, dutt sberluft e instupidit a sinti chestis storiis. E sior Zaneto mi spiegà l'arcano. Al mi disè che si tratave di obleà dugg i pelegrius a comprà une medae, chesi varess obleadis lis Provinzis a ciolli la bandiere di un sol fornitor e a chell prezit che al varess fatt lui, in mud insumis che chesg patriòs di gnuv genar, sul afar dal pelegrinagio, e si saressin rāngias ben e no mal, ridind sott i bafs, e ciolind pal cui i puar macacos. La hastu capide cumò?

— Veramentri o hai leit anco jò sul *Secul* une robe compagne, come che te ha contade sior Zaneto butegar, ma o stenti a credile. E po vere o no vere, si trate di la a Rome par pos bez e jo no voi a cirt giatis di petenà. Jo sigur no hai il boton di fami giavà di nissun, e ti garantis che no mal giavin.

— Ben, ben, e vin timp di pensai. Sior Zaneto, min d'ha contade un'altre che jè veramentri brutote.

— Po issi l'om desp disgrazi, chel benedet butegar?

— Ce pause hai lui se lis disgrazis e succedin!

— Dunce dimi di ce che si trate. O capis che cumò tu ses diventat un dotor di lezz e jo o puess lù a imparà l'abici.

— Si trate dal Cassir de banche popolar farlane che al ha mocat il cian.

— Jee, ce nuvitat! E ha tante di barbe. E po cumò e jè mode che i cassirs e vavin di s-ciampa.

— Par al altri lu han mitat in còtego.

— Si ma tu vedaras che la sujarà cun poc. Se un puar diaul al robe une gialine o un pagnut al ciupe tre agns di preson che nance il pari eterno i hai ciol. Ma quanche si trate di piezz gruess, no jè cussi.

— Ben, ben lassin là, dopo dut e son robis che displasin e a noaltris no nus ven nuje in sachete dal mal dai altris.

— A mi mi displas par che puare famae che reste tradide senza nissune coipe, mentri e varà crodut di jessi in t' une bote di fiar.

— Lassin, lassin lis malincuniis e aulin a fa un zir.

— Malafenò jo, che no voi a zirà. Se tu us invece anin a bevi un quottid di ribelè.

— Anin pur, ma ch'est an mi par che se si ul bevile buine e jè masse ciare. E anco il vin gnuv neri nostran al è ciar. Si scugne bevi di chell di magazen che dopo dutt nol è ciativ.

— Po si sì, noaltris artig no podin migo no spindi i franca come i stors. Bisugne che si conteatin di bevi di chell di cinquante e quanche e jè sagre e rivin fin a chell di sessante.

— E ringrazia il Signor di cussi.

## Florean in te androne Cicogne

Il puest no mi ha permitut prime di cumò di fevelà di ce che al è nassut in te androne Cicogne zà diis. O soi passat par là e an dai sintudis di buinis e di bielis, di cuetis e di crudis. Si tratave di une Maghe (no di che di borg di di Viole) de Maghe de androne Cicogne. Al è ver che in cheste androne and è plu di une Maghe, ma immaginaiis une femine sute sute cun t' une muse propit fate apueste par rappresentà ben la part.

La Maghe e jè ze'ose di so marit, e cialait dulà che cheste femine e jè lade a concentrà dugg i siei furors! Sun t' une puare diaulate, une vedue plene di fruss, che ciart no ha marbin e no sa dulà petà il cial par vivulà e che no ha pal ciarviel lis fotis de Maghe che cui siei risirs se la passe benon.

La Maghe dunce e tormentave simpri cheste puare femine, disingi improporis ogni volte che la viodeve pe strade. Dai uè, dai doman, fin

# FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

Si vendin là vie da l'Edicola e là dal Tabachino in Marziavieri, in piasse Contarene e in Borg di S. Bartolomeo

REDAZION: su la fontane di piazze Contarene — AMINISTRAZION: su la fergada de Vigne

Par altri Florean al si lassará ciata, quand che còvent, in Stamparie Jacob e Colmegne.

Tiradure 5,000 coplis.

## Florean a Redentor

Nol è sol Florean che si ocupe dal nestri bon Plevan di Redentor: e son ance i cussi dets sfueis serios.

Cui no vares di crodi che chell benedett predi nol sei dutt amor pal prossim, dute caritat cristiane: lui che al è benemerit fondator di ches istituzions fatis apueste par insegnà al popul lis plui bielis virtus da la religion?

In passat us hai fatt viodi che il nestri Plevan al dopre dutt il zelo pal trionfo des buinis massimis e par che la zoven-tut, massime lis frutatis, e vevin di cresci cul timor di Dio. Ma no son rosis senze spinis, e ance il Plevan al ha lis sos debolezzis come dugg i umin di chest mond.

Par esempi lui nol ul savent di miserie, e se han di fa i funerali che pain e se no che vadin a fa tiare di bocai come cians. Al è dutt efiett de caritat cristiane, come ance che di acetà l'ereditat di un altri plevan savind che chest al lasse nevos puars e plens di bisugns, mentri un altri predi, veramentri galantomp, che al veve ance lui une quote in te ereditat, al ha crodut ben di rinunzià.

Ma il Plevan di Redentor al è superior a chestis nainis, al tire drett pe so strade e al lasse che sberlin tant che uelin. A lui i baste di ve lis Ancelis e

lis Maris cristianis e cun lor al va in paradis biell ciald.

E vares savut de pantumine sucedude che altre di. Chell puar Avost, muart cussi zovin, al fò compagnat in glesie dai siei compagns e dai predis. Chesg e finissin di barbotà ches quatri preeris e dugg si preparin par là in Cimiteri. Spiete un poc e spiete un altri poc, in tun slavin dal diaul, ma nissun vignive indenant. Cemut ise cheste pantumine?

La pantumine e jè che se no pajavin subit e a tarife pal traspuart al Cimiteri, nè il Plevan, nè nissun altri e vignivin a compagna il puar muart. Alore i compagns e ciaparin fur des mans dal muini la cros e vie besoi, fasinsi un biell concett de caritat cristiane di chel bon Plevan.

Chestes storie, genuine, mitude donge a qualchidune altre, o sai che ha fatt sens fra miezz i parochians; ma no stait migo no a crodi che par chest il Plevan al vevi di scomponisi! Si po, i ul altri! Il Plevan al si impie di dugg e massime dai sfureis, robe scomunicade, danade, e i scritors dai quai e laran dugg a finile tal infiar par dute l'eternitat. Par lui l'articul di fede lu ha tal sfuei *Il Citadin* di tor i gorgs, e quanche chest lu puarte in palme di man al è content come une pasche ance se la popolazion e mormore, e qualchi volte, e sighe. Al si console di dutt cul pensà a lis Ancelis e a lis Maris cristianis. *E che la vada!*

Joibe che ven;

I Misteris di Udin